

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Iloko
Tawen XL Blg. 13
Hulyo 7, 2009

www.philippinerevolution.net

Editorial

Interamente a paayen ti OBL2

Napaay la unay ti kontra-rebolusyonaryo a kampanya nga Oplan Bantay Laya 2 (OBL2) ti rehimen nga US-Arroyo ken ti Armed Forces of the Philippines (AFP). Iti bangir na, iparparuar da pay latta a marebbeken ti Baro nga Hukbo ti Umili (NPA) sakbay a malpas ti madama a termino ni Gloria Arroyo inton 2010. Kankanayon da pay latta nga ibaga a bunga ti kampanya a militar nga OBL2, manopulo a larangan a gerilya kanon ti naungaw ken rinibribun a pueras ti hukbo ti umili ti natay.

Kabaliktad ti imbunga ti OBL2. Lallalo a lumawla-wa ti hukbo ti umili gapu iti pungtot ti masa iti ipas-pasaknap na a kinaulpit, iti nalabes a pannakabennat dagiti pueras ti kabusor, ken iti determinasyon ken pannakasursuro dagiti rebolusyonaryo a pueras iti panaglaban. Umad-adu imbes a nakissayan dagiti larangan a gerilya. Maar-aramid ti NPA nga agirussuat ti saan a bumaba iti maysa a taktikal nga opensiba tunggal aldaw.

Adu a napapateg nga adal ti masursuro dagiti rebolusyonaryo a pueras ken masa iti sa-ngo ti napa-irteng a kinarungsot ti OBL. Ti pinaka-importante ditoy ket bayat a lallalo a maidaddadanes, malipitipit ken maip-ipit da, sigurado a lumaban ken lumaban ti umili.

Manipud idi naiwayat ti OBL2, sumagmamano laeng kadagiti lugar no sadino a kalatakan ti pannaka-paay na ti Mindanao, Eastern Visayas, Panay, Negros, Southern Tagalog, ken Bicol. Kadagitoy a luglugar, awan ti naburak ti kabusor ni maysa a larangan a gerilya iti bangir ti pinairteng ken dadakkel nga operasyon militar.

Agnamnama ti rehimen nga US-Arroyo a makarekober daytoy kadagiti pannakapaay ken pannakaabak ken makaipakita ti pigsat militar tapno mapangatawanan ti kalikagum na a kumayetket iti poder iti labes pay ti 2010. Bayat nga umas-asidegen ti inked-deng na a dedlayn, desperado nga agar-arikattot ita ti agturturay a rehimen iti lallalo nga awan sarday

a panagraut, pammapatay, panangrribuk, intriga, panagdadael, kinaul-

bod, ken dadduma pay a panagabuso. Minilmilyon nga umili ti mabiktima dagiti pinairteng a pasista a panagraut.

Kadagiti nabat-bati a bulan

daytoy a tawen inggana iti dedlayn ti OBL2 iti sumaruno a



***Dagiti tampok
ditoy nga isyu...***

Dagiti plano nga ala-Marcos

PANID 3

8 armas nasamsam iti reyd idiyay Agusan del Sur

PANID 6

Ni Ka Cesar, rebolusyonaryo nga ama ken lider

PANID 10

tawen, sanguen daytoy ti amin a rebolusyonaryo a puer a napnuan determinasyon, regta, ken panaglaban tapno interamente a mapaay ti kampanya ti kabusor ken ad-ad-da a maiyabante ti rebolusyonaryo a tignayan ken ti gubat ti umili agtutrong iti nangatangato a tukad.

Saan a rumbeng a palubosan a makapaglastog ken makadangran ti aso-aso a rehimen nga Arroyo ken dagiti pasista nga heneral na. Rumbeng nga iparupa a sigurado ti nan-an-ay a pannakapaay ti OBL2 ken ibutaktak, isina, ken pagbayaden ti agtuturay a rehimen ken dagiti pasista a puer na iti amin a nadadagsen a krimen da iti umili. Rumbeng nga ipakita iti amin ti determinasyon ti NPA a lumaban a sipipinget kadagiti panagraut ti pasista ken aso-aso nga estado ken tuloy-tuloy nga iyabante ti armado a rebolusyon.

Ti maikadua a gudua ti 2009 inggana kabuklan ti 2010 ket paborable unay a panawen para iti panangpairteng kadagiti taktikal nga opensiba ken panangiyabante ti rebolusyonaryo a tignayan iti intero a pagilian, aglalo ket nakaro a gunggunggonen ita dagiti sosyo-ekonomiko ken politikal a krisis ti

agtuturay a rehimen ken sibubukel a sistema a pagsangsanggir na.

Ti laklak-amen a krisis ti intero nga agtuturay a sangalubongan a kapitalista a sistema ket lallalo a mangpakpakaro iti permanente a krisis iti pagilian ken ad-ad-da a mangdaydayyeg ita iti agtuturay a rehimen. Ti panagbagsak ti pagbiagan ken nakaro a pannakaisina ti agtuturay a rehimen iti pagilian ita ket maipada iti kinakaro ti krisis idi 1983-86 a nangdayyeg ken diretso a nangpabagsak iti diktadura a Marcos.

Aggugulo met ita dagiti reaksyunaryo gapu iti kannigid ken kannawan a narurugit ken naranggas a panagmaniobra ti agtuturay a paksyon nga Arroyo tapno kumayetket iti poder ken nairut met ti pannakikumpitensya ti nadumaduma a karibal a paksyon tapno makapangato iti turay.

Ti met AFP ket agtutuloy a ririribukun ti internal a paksyunalismo ken dagiti bangga aglalo iti sango ti nauneg a korapsyon ken nakaro a panangpabor iti promosyon dagiti paborito ni Arroyo. Agmanmaniobra ni Arroyo tapno maipuesto ti paborito ken mapagtalakan la unay nga heneral na iti tuk-

tok ti AFP sakbay ti 2010 ken iti kasta ket matengngel na ti intero a militar. Ngem lallalo laeng a pakaru-en daytoy ti kontradiksyon iti uneg ti AFP ken karkariten ti ad-ad-da a panaglaban ti umili ken oposisyon iti baro a panagtuturay a militar.

Siguden a naisina ken kagurgura ti umili ti AFP gapu iti kinabulok, kriminalidad, kinaulpit ken kinnaaso-aso na iti imperyalismo nga US. Nabembennat daytoy iti gagar a saklawen ti kaaduan a larangan a gerilya. Isu a ti hukbo ti umili ket nalaka na a maparmek ti babassit a nasinasina a puer a militar. Agdawdawat ti AFP ti nayon pay a tropa ken armas, ngem agkurkurang met ti badyet ti estado. Daytoy ket pakpakaru-en pay ti nauneg a korapsyon da Arroyo ken dagiti paspasurot na a dadakkel a buruk-rata, politiko, ken heneral. Mangibungbunga daytoy ti nasaknap a demoralisasyon iti intar dagiti ordinario a soldado.

Iti sabali a bangir, ti hukbo ti umili ket agsagsagrap ti nasaknap a suporta ti umili. Napanday daytoy iti uppat a dekada a panangiyabante ti armado a rebolusyon. Agtutuloy nga agur-urnong dagiti rebolusyonaryo a puer kadagiti balligi ken nababaknang nga adal ken kaammuan iti panaglaban iti todo-gera ti AFP ken iti panangpadur-as kadagiti rekisito para iti nasaksaknap, nasagsagedsed ken nabababante pay a gerilya a pannakigubat iti intero nga arkipelago.

Rumbeng a gundawayan ti intero nga armado a rebolusyonaryo a tignayan ti ad-ad-da nga umir-irteng ita a krisis iti ekonomya ken politika tapno mas palawaen ken pairtengen ti gerilya a pannakigubat. Rumbeng met a gundawayan na ti nalabes a pannakabennat ken pannakaisina dagiti puer ti AFP, ken paregtaen dagiti taktikal nga opensiba.

Rumbeng a papigsaen ti panangidaulo ken panagtarabay dagiti komite ti Partido ken kumand ti



Tawen XL Blg. 13 Hulyo 7, 2009

Ti *Ang Bayan* ket maipabpablaak iti Pilipino, Bisaya, Iloko, Hiligaynon, Waray ken Ingles.

Mabalin nga i-download daytoy manipud iti Philippine Revolution Web Central a masarakan iti:

www.philippinerevolution.net

Umawat ti *Ang Bayan* kadagiti kontribusyon iti porma dagiti artikulo ken damdamag. Awisen mi dagiti agbasbasa nga agipatulod kadagiti dillaw ken rekomendasyon para iti idudur-as ti dyaryo tayo. Ipatulod dagitoy babaen ti email iti:

angbayan@yahoo.com

Linaon

Editorial

Interamente biguin a paayen ti OBL2	1
Dagiti palno ala-Marcos	3
Ti akem ti US iti pulitika ken eleksyon	4
Binilbilyon, mabusbusos iti byahe	4
Dagiti mangakikil, agpampamarang ti BHB	5

Naiballigan nga TO

Reyd idia Agusan del Sur	6
Ambus idia Capiz	6

Panangraut ti pasista nga estado

Dagiti komunidad iti Tumanduk, binomba	6
Aktibista a doktor, napapatay	7
Panagabus a militar idia Abra	7
Rehimen nga Arroyo ken AFP, idarum	8
Salun-at ti panunot ti pasismo ti estado	9
Salun-at ti panunot dagiti kakadua	9
Ni Ka Cesar, rebolusyonaryo nga ama ken lider	10

Ti Ballasiw Taaw

Pair-irtengen dagiti gerra nga agresyon ti US	11
Panagbomba dagiti drone	11

Damdag	12
--------	----

Ti *Ang Bayan* ket ipabpablaak dua a beses tunggal bulan ti Komite Sentral ti Partido Komunista ti Pilipinas

hukbo ti umili ken allukoyen ti inisyatiba ken kinaturred dagiti amin a larangan a gerilya ken platun a gerilya ti NPA tapno agirussuat kadagiti taktikal nga opensiba a segun iti kabaelan, pananggammat kadagiti nasayaat a gundaway ken masigurado a balligi. Rumbeng nga agresulta iti adu a babassit ken dadakkel a danog iti bagi iti nadumaduma a suli ti pagilian—iti uneg dagiti rehiyon, iti baet dagiti rehiyon kadagiti mayor nga isla, ken iti baet dagiti mayor nga isla ti pagilian. Kagiddan na, rumbeng nga agiyaramid met kadagiti napili a bira iti ulo kadagiti sentro ti kabusor. Rumbeng a mangted ti partikular nga atensyon kadagiti opensiba nga addaan

nalatak a galad ken epekto a politikal, kasta met kadagiti kasapulan a trabaho a politikal ken propaganda ken panagsungbat laban kadagiti panagdadael, panagululbod, ken saywar ti kabusor.

Ti naa-aweng a balligi dagiti taktikal nga opensiba tayo manipud ita inggana tapos ti 2010 ti manglemmes iti kinalastog ken kinaulbod ni Gloria Arroyo ken ti pasista nga AFP, mangitambor iti pannakapaay ti OBL2, ken agserbi nga agallangungan a panangpanaw dagiti rebolusyonaryo a puersa ken umili iti bogus ken bulok a presidente a nakaro a kagurgura ken ilaklaksid ti umili. AB

Dagiti plano nga ala-Marcos

Sangapulo ket duan ti matmatay ken nasuroken nga 80 ti nasugatan iti serye dagiti panagbomba idia y Cotabato City; Jolo, Sulu; ken Iligan City itay Hulyo 5 ken 7. Napabettakan met dagiti torre ti National Transmission Corp. idia y Kauswagan, Lanao del Norte itay Hulyo 7. Napasamak ti serye dagitoy a panagbomba kalpasan a napabettakan ti sentrong bayan ti Datu Piang idia y Maguindanao a nakasugatan ti tallo a sibilyan. Sakbay daytoy, nabomba ti *compound* ti Office of the Ombudsman idi Hunyo 28 ken kabigatan na, natakwatan ti maysa a bomba iti Department of Agriculture ken iti maysa pay a pasdek idia y Quezon City.

Dagus nga impabasol ti AFP ken PNP iti Special Operations Group ti Moro Islamic Liberation Front (MILF) ti panagbomba idia y Cotabato City. Ti met itudtudo ti lokal nga opisyal ti Philippine Army ket ti ganggannaet a terorista a grupo a Jemaah Islamiyah. Sabali met ti ibagbaga ni National Security Adviser Norberto Gonzales. Kuna na, daytoy ket aramid ti maysa a bassit a grupo dagiti “anarkista” a nakabase iti Metro Manila ken Central Luzon, ngem “panangipadas” ken “pammutbuteng” laeng kano ti panggep dagiti panagbomba.

Nakakadlaw ti panagpapada dagiti panagbomba ita kadagiti imparamid ni Marcos kadagiti tao ti AFP ken PNP iti adu a lugar iti Metro Manila idi 1971 ken 1972, sakbay nga ideklara na ti martial law. Maibilang ditoy ti panagbomba iti Plaza Miranda idi Agosto 1971 a nakatayan ti syam katao ken nakasugatan ti nasurok 90 katao. Inusar a pambar ni Marcos dagitoy a pa-

nagbomba tapno suspendiren ti *writ of habeas corpus* idi 1971 ken iti kamaudianan ket nagideklara ti martial law idi Setyembre 1972.

Aglalo ta ti kaykayat ita ti amo na nga imperyalismo nga US ket maituloy ti naikeddeng nga eleksyon inton 2010 ken maidalan dagiti panagbalbaliw iti “konstitusyonal” a wagas, ti kangrunaan latta nga ikagkagumaan da Arroyo ket dagiti “ligal” a wagas ti panagpatalinaed iti turay. Maibilang ditoy ti panagirussuat ti *constituent assembly* (con-ass) ken ti temporaryo a panagtaray ni Arroyo kas kongresista iti maikadua a distrito ti Pampanga tapno makatakder nga House Speaker bayat a saan pay a nabaliwan ti konstitusyon ken saan pay a nakapuesto isuna kas prime minister.

Ngem bayat a nganngani ti panaggibus ti madama a termino ni Arroyo ket mabisbisto ken malapalledan ti tunggal panagaddang dagiti “ligal” a plano na tapno ma-

katalinaed iti poder. Iti kasta, rumrummuaren dagiti mas narurugit, naan-anay nga iligal, ken pasista a plano ni Arroyo tapno mapagpaut pay ti terorista ken bulok a panagturay na, karaman ti panangtulad na kadagiti taktika ken wagas ni Marcos.

Paspaspasan da Arroyo ken dagiti paspasurot na ti panangiplastar kadagiti senaryo tapno maikalintegan ti panangusar na ti bileg a pang-emergency (*emergency power*) apaman a mapaay dagiti amin a “ligal” a gimik na, maibilangen ti panagsaur iti umay nga eleksyon ken panangikamakam iti panangbaliw iti konstitusyon.

Maibilang kadagiti senaryo nga isagsagana da Arroyo ti saan a panangituloy iti eleksyon wenno panangsugsog iti naan-anay a gulo iti eleksyon tapno agserbi isuna a “pangulo a pangtransisyon” ken maituloy na ti panangidaulo na. Agar-aramid met isuna kadagiti adang tapno maipilit na ti nasapsapa a panagretiro ti madama nga hepe ti AFP a ni Gen. Victor Ibrado tapno maipatugaw ti napudno ken mapagsanggiran la unay nga heneral ni Arroyo a ni Lt. Gen. Delfin Bangit sakbay ti keddeng a panagretiro ni Ibrado inton Nobyembre. Babaen iti panangipuesto kenni Bangit iti tuktok ti AFP, masigurado da Arroyo ti kontrol da iti intero a puersa a militar amangan no mangipataw da ti *state of emergency* wenno direkta a *martial law*. AB

Ti akem ti US iti politika ken eleksyon iti Pilipinas

Atiddogen ti pakasaritaan ti nairut a pannakibiang ti US iti politika ti pagilian. Iti direkta ken saan a direkta a wagas, maipatugaw na dagiti aso-aso a rehimen a mangaywan iti pang-ekonomya, politikal, ken pangmilitar nga interes na kadagiti neo-kolonya na. Us-usaren na dagiti eleksyon ken dadduma pay a wagas kas iti kudeta, panangiplano kadagiti gulo ken dadduma pay a wagas.

Ti basbas ken suporta ti imperialista nga amo da ti maysa kadagiti gagar la unay dagiti reaksyunaryo a politiko. Madama a sikreto a makitultulag ni Arroyo iti US para kadagiti maakseptar a wagas tapno makatalinaed latta isuna iti poder. Aw-awisen ni Arroyo ti suporta ni Pres. Barack Obama ti US babaen iti panangusar iti “chacha” ken ti plano nga ilaksid dagiti probisyon a mangiparparit kadagiti ganggannaet nga agtagikua ti daga ken dagiti estratehiko nga industriya iti pagilian. Agtalek ti US kenni Arroyo kalpasan a paneknekan na ti kinapinget na nga aso-

aso iti daytoy naglabas a syam a tawen. Ti ikunkonsidera laeng ti US iti panagtalinaed ni Arroyo ket ti posibilidad a ti nasaknap ken nagalimpatoken a pungtot ti umili kenkuana ket lallalo pay a mangpakaro iti krisis ti agturturay a sistema a politikal a mangted lugar iti adadada pay a panagpigsa dagiti ligal ken armado a patriyotiko ken rebolesyunaryo a pueras.

Mabalin a suporta ti US ti panangusar ti ranggas ti madama nga agturturay nga aso-aso, kas iti inaramid na a panangsuporta kenni Marcos ken dadduma pay a diktaduran idi napalabas. Numan pay kasta,

ammo ti US a lallalo laeng a pakarueng daytoy ti risiris dagiti reaksyunaryo, rubroban ti pungtot ti umili, ken pagil-ayaben dagiti baro a panagbarangwas. Ammo met ti US a saan na nga interamente a matengngel ti maysa a naparang a panagturay militar iti sango ti madama a pannakabetta-bettak ti AFP ken nakapsut a tengngel ni Arroyo ditoy iti agdama.

Makitkita ti US a mas paborable no matuloy ti eleksyon ti 2010. Impablaak na itay nabiit ti “panagdanag” iti posible a gulo no saan nga ituloy wenno mapaay ti umadadani nga eleksyon iti nadumaduma a gapu, karamanen ti palalo a pannakagulo ti *automation* ti eleksyon, ken umad-adu a pangta ken senaryo ti kinaranggas.

Kagiddan ti panangrisut iti agbalin a takder na iti panagpaut itit turay ni Arroyo, makitungtungtong met ti rehimen nga Obama iti nadumaduma a reaksyunaryo nga oposisyon inkaso nga agdesisyon daytoy nga agsukaten ti kangrunangan nga aso-aso. **AB**

Binilbilyon, mabusbusbos iti panagbyahe

Dumanonen iti nasurok P6 bilyon ti binusbos ni Gloria Arroyo iti kansan ken kinaadu ti panagbyahe na manipud nagtugaw isuna idi 2001. Saan pay a karaman iti daytoy a kuenta dagiti nagasto kadagiti byahe ni Arroyo kadagitoy maudi a bulbulan.

Malaksid iti sumagmamano nga opisyal a panggep, adu kadagitoy a byahe ket agserserbi metten a panagliwliwa para iti pamilya nga Arroyo, premyo kadagiti paspasurot da, ken gundaway para kadagiti “pribado” a panggep dagiti Arroyo.

Idi Disyembre 2007, agarup 200 katao ti simmabit iti byahe ni Arroyo idia France, Spain, ken United Kingdom. Maibilang ditoy ti 34 konggresista a nagbuto tapno maibasura ti maikatlo a kaso nga *impeachment* laban kenkuana. Nagastosan iti US\$9,000 ti tunggal maysa kadakuada, malaksid pay da-

giti assawa da ken dadduma pay a kakuyog da. Karaman met iti nagastosan ti tallo a senador, 50 alyado a negosyante, ti asawa ni Arroyo a ni Mike, ti tallo nga annak da ken uppat nga appo, karaman pay dagiti yaya. Dumanon iti \$5,000 ti balor ti tiket iti eroplano ti tunggal maysa. Adda met alawans a panghotel ti tunggal maysa a \$500 kada rabii ken adda pay balon a sag-US\$3,000 kada aldaw. Amin dagitoy ket maipabpak-

lay iti umili a Pilipino.

Itay met Pebrero, P123 milyon ti opisyal a nagasto ni Arroyo iti walo nga aldaw a byahe na idia

Dubai ken tallo pay a pagilian idia Middle East. Nasurok 60 ti nakakuyog na iti delegasyon. Dimmaw-as met isuna idia US tapno kamakamen na ti gundaway a maretrato man laeng koma nga al-alamanuen ti kaipatpatugaw a presidente ti US, ngem saan a tinaming ni Obama isuna idi.

Malaksid iti mabusbusbos a rekursu kadagitoy a panagbyahe, kwestionable pay ti panggep ni Arroyo iti sumagmamano a lugar. Idi



Hunyo, nagbalin a pagduaduaan ti kellaat a panangisingit ni Arroyo ti “pribado” a byahe idia Colombia ken idia Barbados, iti baet dagiti opisyal a panagbisita na idia Japan ken Brazil. Dagiti pagilian a Colombia ken Barbados ket maibilang kadagiti nalatak a pagikabilan kadagiti natakaw a kinabaknang. Napalalo a sikreto ti byahe ni Arroyo a saan na nga inkuyog uray ti puersa a pangseguridad na.

Adda panagpada ti mysteryo iti kellaat a byahe ni Arroyo idia Colombia ken Barbados iti kellaat met a “pribado” a byahe ti agassawa nga Arroyo idia Shenzhen, China idi 2006. Nagresulta daytoy iti maanomalya a proyekto nga NBN-ZTE.

Adu a kritiko a nairut a mangsipsiput iti tunggal garaw ti rehimen nga Arroyo ti mangibagbaga a mabalina nga adda pakainaigan ti byahe idia Colombia ken Barbados iti kellaat a panangited ti P7.2 bilyon a kontrata iti mysteryoso a kumpanya nga Smartmatic tapno isimpa ti sistema ti de-kompyuter a panagbilang iti umay nga eleksyon inton 2010. Ti Smartmatic, a karaman iti dadduma pay a maanomalya nga eleksyon iti dadduma a pagilian, ket nakabase idia Barbados.

Pagduaduaan ti pagbanagan ti de-kompyuter a pa-

nagbilang iti umay nga eleksyon gapu iti rumrummuar a kwestionable a relasyon da Arroyo ken ti Smartmatic. Basaran met iti panagduadua ti naibutaktak a nabayagen a relasyon ti agassawa nga Arroyo iti Total Information Management Corporation (TIM) nga agserbi a lokal a kasosyo ti Smartmatic.

Manipud idia Caribbean ket dimmagas manen ni Arroyo idia Dubai, idinto a kagapgapu na laeng sadiay awan pay dua a bulan ti napalabas. Ti dati nga in-rason na iti ipapan na sadiay ket ti panagkalap kano kadagiti baro a trabaho para kadagiti mangmangged a Pilipino, uray bagsak ita ti ekonomya ti Dubai gapu iti sangalubongan a resesyon. Ngem ita ket nagbalin a naulimek ti Malacañang. Adda impormasyon a dakkel ti subsubaybayan ni Arroyo a sikreto a puonan sadiay. Ti Dubai, kas iti Colombia, Barbados, ken sumagmamano pay a pagilian iti Caribbean ket pagikabkabilan met ti dadakkel a kriminal iti kinabaknang da.

Iti tengnga ti nakaad-adu a panagsupyat maipanggep iti nakadakkakkel a magasgastos kadagitoy a byahe, naikeddeng manen a pumanaw ni Arroyo iti Hulyo 15 tapno dumar-ay iti panagmiting ti Non-Aligned Movement idia Sharm El Sheikh, Egypt. **AB**

Dagiti managkikil, agpampamarang nga NPA

Kagiddan dagiti pinairteng nga operasyon militar laban iti armado a rebolusyonaryo a tignayan, pakpakarueng ti rehimen nga Arroyo ken ti AFP ti kampanya na a panagdadael laban iti Partido, NPA ken dagiti lider daytoy, aglalo pay ta ngannganin ti inkeddeng da a dedlayn para iti minamauyong nga arapaap da a pameken ti NPA.

Nasaknap ita iti intero a pagilian ti panagkikil ti AFP ken PNP kumplot dagiti kriminal a sindikato kadagiti negosyante, propesyonal, ordinaryo nga empleyado, ken nakakaasi a makitegteged. Iti panangusar iti nagan ti Partido ken NPA, panggep dagiti agkikkikil a dadaelen ti prestihiyo ti rebolusyonaryo a tignayan tapno maisina daytoy iti nalawa nga umili. Kagiddan na, ginabgabsuon a kuarta ti samsamsamen dagiti militar, polis, ken kriminal manipud kadagiti allilawen da a biktima.

Maysa kadagiti kaudian a pagarigan ti panagkikil ti maysa nga opisyal a pangespya ti PNP iti manopulo ribu a piso manipud iti tunggal empleyado ti maysa a munisipalidad iti Cordillera. Nalaka

isuna a nabisto gapu ta saan na man laeng a binaliwan ti penmansip na. Iti maysa met laeng a kaso iti Cordillera, nakaawat ti bastos ken mamutbuteng a surat dagiti opereytor ti bus iti dua a probinsya. Pinangtaan dagiti nagpampamarang a kadre ti NPA a no saan a mangted dagiti negosyate ti dakkel a gatad ket mapuoran dagiti bus da. Naammuan ti Chadli Molintas Command ti NPA iti Ilocos-Cordillera a ti dadaulo ti maysa a surat ket opisyal ti polis, ken ti maysa pay a surat ket nagtaud iti maysa a nagtraydor iti rebolusyonaryo a tignayan.

Adda met dita ti kaso ti panagdadael kenni Leoncio “Ka Parago” Pitao, kumander ti 1st Pulong Bagani Company ti NPA idia Southern Mindanao. Gapu ta nasup-

yat ken naibusen dagiti dati a maibatbato a pitak kenni Ka Parago, mapabpabasol met isuna ita nga agbibig a nabaknang babaen iti panagkikil iti minilmilyon a piso.

Iti maysa a pablaak itay Hulyo 5, imbaga ti Partido a mapanggeddeng daytoy nga agtignay laban kadagiti tattao a mangdadael iti nasayaat a nagan ti rebolusyonaryo a tignayan ken mangpabpabaknang kadagiti opisyal ti militar ken polisya ken opisyal dagiti kriminal a sindikato. Nagpanawagan ti Partido kadagiti mabikbiktima kadagiti kastoy a plano ti kabusor nga agreport kadagiti maseknan a rebolusyonaryo nga awtoridad tapno maiyaramidan ti dagus nga aksyon.

Kuna ti Partido, namnamaen ti panagirteng dagiti kastoy a plano a saywar ken panagpabaknang dagiti opisyal ti kabusor, aglalo pay ta lumawlawag ti pannakaabak ti Oplan Bantay Laya 2 a naikeddeng a malpas iti umay a tawen. **AB**



8 armas, nasamsam ti NPA iti reydy idiay Agusan del Sur

Tallo nga M16, maysa nga M14, tallo a pistola a kal. 45, maysa a pistola a 9 mm ken balbala ti nasamsam dagiti Nalabaga a mannakigubat ti 4th Pulang Bagani Company (4th PBC) ti NPA – Southern Mindanao iti maysa nga awan putok a reydy iti kampos ti Philippine National Police (PNP) iti munisipalidad ti Santa Josefa, Agusan del Sur itay Hulyo 1.

Awan ti nasaktan kadagiti polis iti daytoy taktikal nga opensiba ti NPA. Nakakawes kadagiti uniporme a militar dagiti Nalabaga a mannakigubat idi rahten da ti istasyon ti PNP. Nalpas ti operasyon a disarmament iti uneg ti sangapul laeng a minuto gapu ta saan a limmaban dagiti polis. Iti maysa a pablaak, imbaga ni Ka Nadem, tagapagsarita ti 4th PBC, a rinnespeto ken sinurot dagiti Nalabaga a mannakigubat ti International Humanitarian Law a mangilanlanad a saan a rumbeng a saktan dagiti elemento ti kabusor a simmuko ken awanen iti saad a lumaban. **AB**

2 soldado napapatay, 4 nasugatan kadagiti ambus idiay Capiz

Saan a nababbaba ngem dua ti natay ken uppat ti nasugatan kadagiti serye ti panagtambang nga insayangkat ti NPA iti Central Front idiay Panay laban iti 47th IB. Napasamak dagiti labanan bayat a mangiwaywayat ti nasaknap nga operasyon militar dagiti soldado ti rehimen nga US-Arroyo kadagiti komunidad dagiti Tumanduk idiay Central Panay.

Segun kenni Ka Julian Paisano, tagapagsarita ti Coronacion “Waling-waling” Chiva Command ti Panay, napasamak ti umuna nga ambus laban kadagiti soldado ti Charlie Coy, 47th IB idiay Mt. Cabagol, Barangay Aglinab, Tapaz, Capiz idi agsapa ti Hunyo 27. Kalpasan ti sumagmamano nga oras, tinambangan ti NPA ti lima a soldado nga agrekrekorida idiay Sityo Karatagan, Barangay Katipunan iti munisipalidad met laeng ti Tapaz.

Naambus manen idi Hunyo 29 iti 8:45 ti agsapa ti maysa nga iskwad ti Charlie Coy nga idadaulan ni 2Lt. Leo Abulencia idiay Sityo Garu, Barangay Acuña iti munisipalidad met laeng ti Tapaz.

Awan ti kaswalti iti benneg ti NPA.



Dagiti komunidad ti Tumanduk, binomba

Arbitraryo a binomba ti 3rd ID ti Philippine Army dagiti komunidad ti Tumanduk iti kabambantayan ti Tapaz, Capiz idi Hunyo 29.

Saan man laeng a nagballaag iti umili ti militar idi patuduan da ti bomba manipud iti kanyon a 105 mm ti Mt. Garu. Gapu iti daytoy, nabulabog ti pagbiagan dagiti Tumanduk gapu ta ti Mt. Garu ket isu ti kangrunaan a dalan a sumilpo iti nababantay a barangay agturong iti patag ti munisipalidad ti Tapaz.

Sumagmamano a bomba ti bintak idiay Ganga iti Pan-ay River, ti mayor a ruta nga us-usaren dagiti mannalon a Tumanduk iti panangipan kadagiti agrikultural a produkto da iti sentrong bayan. Tinamaan met ti maysa pay a bomba ti balay ti maysa a pamilya idiay Sityo Badas, Barangay Tacayan.

Naisardeng ita dagiti pagbiagan dagiti Tumanduk idiay Tapaz gapu iti panangsakup kadagiti barangay dagiti ginasgasut a soldado iti panangidaulo ti 47th IB. Nakaro met a buteng ti marikrikna ti umili iti agtultuloy a panagrikus dagiti helikopter iti tangatang.

Ti insigida a gapu daytoy a panagbomba ket ti agsasaruno a pannakaabak ti militar kadagiti puersa ti NPA idi maudi a lawas ti Hunyo (*Kitaen ti kasilpo nga artikulo*). Iti desperasyon a makabales man laeng ket nagusar ti 3rd ID kadagiti kanyon ken helikopter.

Sakbay daytoy, tuloy-tuloy ti kampanya a panagharas ken saywar ti Reengineered Special Operations Teams (RSOT) ti 47th IB laban kadagiti mannalon. Nadagsen a supsupyaten ti umili a Tumanduk ti panangipilit ti militar nga iraman isuda kadagiti iparada da a bogus a surenderi. Sumupyat da met iti pilit a panagrekut iti CAFGU ken puersaan a panangibangon kadagiti detament ti RSOT kadagiti barbaro.

Saan a pudno a mangmangted ti militar kadagiti seedlings ti nateng iti umili, kinuna ni Ka Julian Paisano, tagapagsarita ti Coronacion “Waling-waling” Chiva Command ti NPA idiay Panay. Ti agpayso, ti awit-awit dagiti soldado ket armalayt, masinggan, ken kanyon tapno agawen ti ansestral a daga dagiti Tumanduk. Gapu ditoy, apiten da ti nakaro a pungtot dagiti minorya ditoy, innayon pay ni Paisano. **AB**



Aktibista a doktor, napapatay

Maysa nga aktibista a doktor ti pinatay ti militar idia Davao City, maysa a lider-mannalon ti Occidental Mindoro ti dinukot da idia Taguig, ken maysa met a tao ti simbaan ti iligal nga inaresto da idia Misamis Occidental. Idia Maguindanao, sinada dagiti soldado ti 52 peryodista nga adda sadiay tapno idokumento dagiti panaglalsing iti karbengan-ao. Dagito ti kalalatakan a kaso ti panagabusu a militar a nakalap ti *Ang Bayan* iti daytoy napalabas a dua a lawas.

Hunyo 30. Lima pulo ket dua a peryodista ti nasada iti maysa a tsekpoynt ti 46th IB idia Barangay Bagan, Guindulungan, Maguindanao ken nataktak iti maysa nga oras. Mapan ti nasao a komboy kadagiti munisipalidad ti Datu Piang ken Mamasapano tapno imbestigan ti kasasaad dagiti bakwit idia

Central Mindanao. Idi nagpipinnudoten ken nadagsen nga irupir dagiti peryodista a wayawayaan isuda, inmandar ni Maj. Gen. Alfredo Cayton, kumander ti 6th Infantry Division idia Maguindanao nga ipan isuda iti kampo ti militar idia Crossing Salvo, Datu Piang.

Nadagsen a sinupyat ti Nation-

al Union of Journalists in the Philippines (NUJP) daytoy nga arbitrarayo a panagaresto. Kuna ni Rowena Paraan, direktor ti NUJP, daytoy ket panaglalsing iti karbengan iti nawaya a panagiwarnak ken iti karbengan-ao dagiti peryodista.

Hunyo 29. Iligal a naaresto ti maysa a *lay worker* ti United Church of Christ in the Philippines (UCCP) iti maysa a tsekpoynt idia Tangub City, Misamis Occidental. Ni Dennis Paradero Rodinas, 35, ket nakatawag pay iti asawa na a ni Deanna idi agsapa ti Hunyo 29 tapno ibaga a nasada ti pagluglulan na ken adda isuna iti kustodiya ti PNP.

Kamaleman na, impakaammo kano ti maysa nga opisyal ti PNP kenni Mrs. Rodinas a naipan ti asawa na iti kampo ti 55th IB idia Langub, Calamba, Misamis Occidental tapno ipauneg iti interrogasyon. Madlaw nga adda plano ti militar a kasuan ni Rodinas gapu ta maisupadi iti imbaga na iti asawa na, maparparuar a natiliw isuna iti maysa a *combat patrol operation* ken adda kano awit na nga eksplosibo ken subersibo a dokumento. Inakusaran da isuna a lider ti NPA idia Western Mindanao ken inraman da iti pannakatay ti maysa nga elemento ti CAFGU itay Hunyo 15 idia Clarin, Misamis Occidental. Aksidente a nakita isuna ti asawa na ken dagiti mangibagbagi iti UCCP idi malem ti Hunyo 30 a nakalugan iti maysa a trak iti sango ti Regional Trial Court ti Tangub, no sadino nga indarum da isuna iti parparbo a kaso nga iligal a panagidulin kadagiti eksplosibo. Sakbay daytoy ket saan a masarakan isuna kadagiti kampo ti militar ken polisya iti probinsya.

Hunyo 24. Naulpit a napapatay ni Dr. Rogelio Peñera, *chief epidemiologist* ti Department of Health idia Southern Mindanao ken miembro ti Alliance of Health Workers

Panagabusu a militar idia Abra

Sumagmamanon nga aldaw a parparitan ken laplappedan dagiti elemento ti 50th IB dagiti kabagian ken kailian ni Michael "Ka Tarius" Reyes a maala ti bangkay na idia Sityo Layaban, Barangay Beew, Tubo, Abra.

Ni Reyes, maysa a Nalabaga a mannakigubat, ket napapatay idi kinarupak ti yunit da dagiti tropa ti 50th IB idia Sityo Layaban idi Hunyo 6. Saan a nabaalan a maiyatra ti bangkay na. Kabigatan na, inkagumaan dagiti kakabagian ken kakailian a maala koma daytoy. Sinuportaan isuda dagiti opisyal ti munisipalidad ti Tubo ngem imparit latta dagiti elemento ti 50th IB a biroken ti bangkay iti lugar a naglalabanan. Nagawid da kalpasan ti uppat nga aldaw. Iti agdama ket sigurado a marunrunoten ti bangkay ngem saan latta a palubosan ti militar a maala ti bangkay ken maipumpon a disente daytoy.

Atiddogen ti listaan ti panaglalsing iti karbengan-ao ti 503rd Brigade ken iti partikular ti 50th IB. Responsable ti 50th IB iti panangpatay kenni Pepe Manegdeg, lider-mannalon ti Ilocos ken panangrames kadagiti bangkay da Ka Braga ken Sammy Rey "Ka Cholo" Cayago. Rinumek ti militar ti bagi ken rupa dagiti biktima ingana saanen a mabigbig dagito. Responsable met ti 41st IB iti North-Central Abra iti uppat nga aldaw a pannakaibalud ken pananglipit iti tallo a sibilyan idia Cubcuba, Bangilo, Malibcong idi Mayo. Nagibaw-ingan ti pungtot ti militar dagiti sibilyan idi mapay dagiti iwaywayat da nga operasyon.

Adu pay a panaglalsing iti karbengan-ao ti matantantya a mapasamak iti Abra bayat a pair-irtengen pay ti militar dagiti operasyon na tapno makastrek ti dadakkel a kumpanya ti panagminas iti probinsya.

AB



(AHW). Tinambangan dagiti armado a nakalugan iti motorsiklo isuna ken ti anak na bayat nga agaw-awid dan idia Buhanin District, Davao City. Naglak-am ti adu a tama iti ulo ken bagi ni Peñera. Nasugatan met iti takiag ti agtawen 15 nga anak na. Ni Peñera ket dati a national chairman ti AHW idi dekada 1990 ken madama a kagawad ti pangrehiyon a konseho ti BAYAN. Miembro met isuna ti Health People United for the Removal of Gloria (PURGA), maysa a grupo dagiti propesyonal ken mangmangged a pangsalun-at nga agpampanawagan iti panagikkat ni Gloria Arroyo.

Hunyo 21. Dinukot dagiti masussuspetsa nga ahente a militar ni Obito Marquez, 31, miembro ti Kalipunan ng mga Samahang Magbubukid sa Timong Ka-

tagalugan(Kasama-TK) idia Occidental Mindoro. Agarup 10:00 ti rabii, tartarimaanen ti biktima ti metro ti danum iti ruar ti temporaryo a pagnaedan da idia Taguig City idi dukoten isuna dagiti armado a lallaki ken pilit nga inluga da iti maysa a van nga addaan plaka nga agrugi kadagiti letra a "PGG." Kalpasan nga inlibak ti PNP ken AFP a tengngel da ni Marquez, nasarakan isuna a nakabalud idia Camp Crame itay Hulyo 6. Ni Marquez ket maibilang iti 72 militante nga aktibista ti Southern Tagalog nga iramraman ti militar iti maysa a panagtambang ti NPA idia Puerto Galera, Oriental Mindoro idi Marso 2006 a nakatayan ti tallo a polis. AB

Rehimen nga Arroyo ken AFP, idarum ti aktibista a Pilipino-Amerikano

Inwaragawag ti Pilipino-Amerikano nga aktibista a ni Melissa Roxas ti plano na a labanan ken idemanda ti rehimen nga Arroyo ken AFP gapu iti panangdukot ken panangtortur kenkuana. Indeklara na daytoy idi sumango isuna iti midya idi Hunyo 28 idia Los Angeles, California, USA. Daytoy ti umuna a gundaway a nagsao iti publiko ni Roxas maipanggep iti nakaal-alingget a kapadasan na.

Da Roxas ken dua a kadua na a da Jun Carabeo ken John Edward Jandoc ket dinukot idi Mayo 19 ti agarup 15 ahente a militar bayat a mangiyar-aramid da ti surbey para iti maipamplan a misyon a medikal idia La Paz, Tarlac. Kalpasan nga ipauneg isuna iti interogasyon ken tortur, nawayawayaan ni Roxas idi Mayo 25. Nawayawayaan met kadagiti sumarsaruno nga aldaw da Carabeo ken Jandoc.

Segun iti abugado ni Roxas idia US a ni Arnedo Valera, plano da nga agkiddaw ti danyos manipud iti US Federal Court laban kadagiti nangirurumen kenni Roxas ken laban iti gubyrno nga Arroyo. Malaksid pay daytoy kadagiti kaso a maiyuli kadagiti maseknan nga ahensya ti United Nations (UN) gapu kadagiti pananglabsing kadagiti karbengan ni Roxas a nailanad iti International Covenant Against Torture, Covenant on Civil and Political Rights, ken Decla-

ration of Human Rights ti UN.

Sakbay a nagsubli ni Roxas idia US tapno agpaagas ken agpaimbag, ti abugado na iti Pilipinas a ni Rex Fernandez ket nangiyuli met ti petisyon iti Korte Suprema para iti *writ of amparo* sumagmamano nga aldaw laeng kalpasan a nagparang isuna. Dengdenggen ita ti Court of Appeals ti petisyon ni Roxas. Plano na nga agsubli iti Pilipinas tapno umatendar iti naikeddeng a panagdengngeg inton Hulyo 24.

Imbaga ni Roxas a numan pay narigat para kenkuana ti agsarita maipanggep iti pasamak, kayat na nga ibutaktak ti inaramid ti gubyrno ken militar ti Pilipinas kada-kuada kada Carabeo, Jandoc ken adu a sabali pay. Imbaga na nga uray kasano man kabayag ti danonen daytoy, ipursigi na ti panangbirok ti hustisya saan laeng a para iti bukod na no di ket para iti adu a sabali pay a biktima ti panang-

labsing iti karbengan-*tao*.

Iti sabali a bangir, agtultuloy nga iliblibak ti rehimen nga Arroyo nga adda nakainagan na iti panangdukot ken panangtortur kada Roxas, Carabeo, ken Jandoc. Saan nga inkankano ni Executive Secretary Eduardo Ermita dagiti impulog ni Roxas ken imbaga na a saan a napasamak daytoy, bayat nga imbaga met dagiti abugado ti gubyrno a sinsinan laeng ti panangdukot kenkuana.

Kabayatan na, nangisayangkat ti kampanya dagiti militante a grupo a kaalyado ti BAYAN-USA tapno irupir ti hustisya para kenni Melissa Roxas ken isardeng ti panangusar kadagiti buwis ti umili nga Amerikano tapno ikkan ti tulong militar ti rehimen nga Arroyo ken sustentuan dagiti pananglabsing na iti karbengan-*tao*. Narugian met ti kampanya iti aduan a panagsurat kenni US Sen. Barbara Boxer ti California, ti estado ti US a nagtaudan ni Roxas. Ni Boxer ket miembro ti Senate Foreign Relations Committee ken addaan dakkel nga impluwensya no kasano a gasgastosen iti ballasiw-*taaw* dagiti buwis ti umili nga Amerikano. AB

Dadael iti salun-at ti panunot a bunga ti pasismo ti estado

Mangibungbunga ti dadael iti salun-at ti panunot ti umili ti pasismo ken panangparparigat ti rehimen nga Arroyo. Militarisasyon kadagiti komunidad iti kaaw-awayan ken syudad ti kangrunaan a gapu dagiti kaso ti panagsakit ti panunot malaksid pay kadagiti sakit ken dunor iti bagi. Kaaduan kadagiti pasyente ket biktima ti pasista a panagranggas.

Nauneg a dadael met iti panunot ti laklak-amen dagiti tiltiliwen, ibalbalud, ramramesen wenno tortyuren ti militar, kasta met dagiti kakabagian da, karaman ti kakabagian dagiti napapatay, aglalo dagiti ubbing a nakasaksi iti pasista a kinaranggas. Nakaro met ti epekto iti panunot ti ipaay dagiti dislokasyon, aglalo kadagiti ubbing ken nataengan a marigatan a magna wenno agtaray. Gapu iti stress wenno pannakaburibor, apektado ti salun-at da ken umadu ti reklamo a saan a makaturog, naapges ti ru-

sok, ken alta-presyon.

Panangsungbat ti tignayan. Nabayagen a mulat ti rebolusyonaryo a tignayan a paset ti panangaywan iti salun-at iti kabuklan ti panangsango iti usapin ti salun-at ti panunot. Ti sakit iti panunot, kas iti sakit iti sabali a paset ti bagi, ket rumbeng ken mabalin nga agasan.

Ti rebolusyonaryo a tignayan ket siguden nga addaan manwal iti salun-at ti panunot nga agserserbi a tarabay ken reperens dagiti maseknan nga organo iti trabaho a pangsalun-at. Narebyu ken narebi-

sa daytoy itay nabiit kas paset ti agtultuloy a panangikagumaan ti rebolusyonaryo a sektor ti salun-at nga agpadur-as ti kabaelan.

Maar-armasan dagiti kakadua ti kaammuan, umannatup a wagas, ken panangpadur-as pay ti kabaelan iti panangsango kasilpo iti salun-at ti panunot inggana iti tukad dagiti platun, sangay, ken komite iti baryo. Addan dagiti maiwaywayat a treyning ti nadumaduma a yunit. Agkurang man ti rekursu, agus-usar dagiti kakadua kadagiti alternatibo ken nalaka a wagas ti panangagas kas iti akupangtura ken herbal nga agas. Dagiti nakakaro met a kaso ket maipan kadagiti alyado nga eksperto wenno doktor. Adda met dadduma a yunit nga addaanen ti bukod a kabaelan a mangaywan kadagiti pasyente.

Saklaw ti serbisyo a pangsalun-at ti rebolusyonaryo a tignayan ti dayagnosis, panagpaagas, *counse-*

Salun-at ti panunot dagiti kakadua

Ti panangaywan iti salun-at ti panunot ket maararamid babaen iti nairut a panangpetpet iti disiplinina, nabara a panagkakadua, ken agtultuloy a panangipangato ti tukad ti ideolohiya, panagkaykaysa iti politika, ken nasayaat a panangiwanwan ti organisasyon. Ti tuloy-tuloy a konsolidasyon iti intar dagiti kakadua ken masa ti tulbek iti nasalun-at a panagpanunot, panangipangato ti pakinakem a mannakilaban, ken pananglaban iti sikolohikal a dadael nga ibungbunga ti panagdangran ti estado.

Gapu iti tuloy-tuloy nga edukasyon ken trabaho a konsolidasyon, mapatpatalinaed a nangato ti moral da. Iti kastoy a wagas nga epektibo a malablabanan ti ordinaryo nga *stress* wenno presyur. Ngem masapul latta nga ikonsidera ti panagduduma ti tunggal kadua iti panangsango iti presyur a mabalin a dumanon iti panagsakit iti panunot.

Iti kapadasan, ti nalawa a pannakaawat, panangtaripato, ken suporta ti organisasyon ken dagiti kakadua ti nagbalin a tulbek iti naan-anay a panagimbag ken panagsubli iti trabaho dagiti kakadua a nagsakit iti panunot. Iti intar dagiti organisado a puerisa, napateg ti pannakaawat dagiti kakadua, panagsuporta, ken panangamiris iti kasasaad ti agsakit. Napateg ti akem ti kolektibo iti panangamiris

kadagiti kaso, panangbukel kadagiti rekomendasyon, panangsubaybay iti panangtungpal iti daytoy, ken panangtarabay kadagiti agprobproblema iti panunot.

Napateg ti akem dagiti mangidadaulo nga organo iti panangbigbig, panangited ti prayoridad, ken panangpasayaat ti mekanismo iti panangsango kadagiti kastoy a problema. Kasta met ti panangliklik a mapasamak dagiti kastoy a problema. Iti paset ti pasyente, tulbek ti panangipakaawat kenkuana iti kasasaad na. Ikagkagumaan dagiti kakadua a parnuayen ti kasayaatan a kasasaad para iti agsakit. Bayat nga agpapaagas, rumbeng nga ikkan latta ti pasyente ti trabaho nga umannatup iti kasasaad na. Iti kaso dagiti Nalabaga a mannakigubat, ideploy isuda kadagiti trabaho a saan a panghukbo.

Napateg ti panagkaykaysa iti oryentasyon, kaammuan iti salun-at ti panunot iti intar dagiti rebolusyonaryo a puerisa, ken panangipasaknap ti kastoy a kaammuan iti nadumaduma a tukad. Numan pay komprehensibo ti panangsango iti problema iti kapanunotan, masapul a bigbigen nga adda maysa a tukad a saanen a marisut kadagiti ordinaryo a proseso a pang-organisasyon ken agkasapulanen ti pannakibiang a medikal.

AB

ling (propesional a panagbalakad), ken panangaywan iti tulong dagiti kakabagian.

Kadagiti komunidad a daddadaelen ti Oplan Bantay Laya, ikagkagumaan a patignayen dagiti komite iti salun-at tapno i-interbyu ken balakadan dagiti biktima tapno tulongan isuda a sanguen ti nakabutbuteng a kapadasan iti ima ti militar. Ti panangagas kadagiti ubbing ket mabalin nga idalan iti ay-ayam kas iti panagdrowing ken dadduma pay nga aktibidad tapno matulongan isuda a mangipaduyakyak kadagiti panagkita da. Agirusrusuat kadagiti kultural a presentasyon ken kaasping nga aktibidad a makakissay ti dagsen iti panunot ken mangpalag-an iti karirikna da.

Ad-adda iti amin, agtultuloy a maiyar-aramid ti

politikal nga edukasyon ken panangpatignay iti masa. Agtultuloy a ririingen ken ipangpangato ti mannakilaban a pakinakem da. Mapapairteng ti panaglaban da iti militarisasyon tapno lappedan a makaipaay ti daddael ti kinaranggas ti militar.

Ti kasta a politikal a pannakidangadang ket isu met ti kangrunaan a makatulong iti panangpapigsa ti pakinakem ken pangngeddeng dagiti biktima ti panagtiliw, panagibalud, ken tortyur ti militar. Marikrikna ti biktima ti suporta ti umili nga isu't mangmangted kenkuana ti inspirasyon nga agtuloy ken agpursige iti pannakidangadang. Nagbalin nga epektibo met ti suporta dagiti kakabagian ken dadduma pay a mangisaksakit.

AB

Ni Ka Cesar, rebolusyonaryo nga ama ken lider

Retiradon iti pultaym a serbisyo iti hukbo ti umili ni Ka Cesar. Numan pay napigsa pay ti bagi iti edad a 62, marigatan isunan iti atiddog a pannagna bunga ti maysa a tama ti bala a nakaro a nangdangran iti maysa a saka na.

Ngem para kenni Ka Cesar, ti panagretiro ket saan na kayat a saoen ti panagsardeng iti rebolusyonaryo a panagtignay. Iti kinapudno, nakaak-aktibo pay isuna iti trabaho kas kagawad ti maysa a lokal a sangay ti Partido ken politikal nga instruktur ti maysa a yunit ti milisya ti umili. Awan pay ti plano na a gibusan ti 35 tawen a panagtulong iti rebolusyonaryo a panangikagumaan ti umili a Pilipino. "Agingga a kabaelan ti bagik, agtultuloy nga agserbisyoak iti rebolusyon," kuna na.



"Ikagkagumaan mi ita a konso-lidaen ti milisya ti umili," kuna ni Ka Cesar. Dakkel a banag a maysa kadagiti pagpigsaan na ti kasanyan iti trabaho nga edukasyon. "Rumbeng a kanayon a natadem dagiti kadre ti Partido," kuna na, isu a tuloy-tuloy ti panangikagumaan na iti panagadal, panagbasa kadagiti rebolusyonaryo a mabas-basa, ken panangdengngeg ti damag iti radyo. "Kayat ko ti mangipakita ti ehemplo kadagiti kakadu-

ak iti lokalidad," insilpo na.

Saan nga ang-angaw a sakripisyo ti naglasatan saan laeng a ni Ka Cesar no di ket ti sibubukel a pamilya na iti atiddog a panawen a panagtignay na kas rebolusyonaryo a mannakigubat ken lider. Nakaro a pananglipit ti militar ti linak-am

dagiti agiina na manipud pay idi sakbay nga agpultaym isuna iti hukbo ti umili. Saan laeng a manmano a daras a masapul nga umakar da ti pagnaedan tapno aywanan ti seguridad da. Sumagmamano metten a pagtaengan da ti pinuoran ti kabusor iti pananggandat a parmeken ti takder da. Iti tunggal baro a lugar a nadanon da ket nagrugi da manen ken nagtultuloy iti pannakilaban. "Kasla kami bin-i nga uray sadino nga imula ti Partido ket boluntaryo nga agrusing ken lumangto," kuna ni Ka Cesar.

Saan a nakaskasdaaw nga agbalin a kas katibker ni Ka Cesar ti pamilya na gapu ta uray naminsan ket saan a nagliway iti panangikagu-

maan a pamulatan ken pakitiponen isuda iti dangadang. "Inorganisak isuda," kinuna na. Nairut a nakapartner na ti asawa na a tuloy-tuloy met a nagtignay kas kagawad ti sangay ti Partido ken lider ti kaba-baihan iti baryo. Saan a matawaran ti kasdiay a panangikagumaan da aglalo pay ta simmaruno kadagiti tugot da ti innem nga annak da ken lima kadakuada ket nagbalin a pultaym a mannakigubat met ti NPA. Adda liday ngem sidadayaw nga imbaga ni Ka Cesar a dua kadagiti anak da ti nangibuwis ti biag para iti rebolusyonaryo a tarigagay. Dua a lawas laeng ti baet ti ipupusay ti dua iti labanan sumagmamano a tawenen ti napalabas.

"Saan mi nga ipaidam iti tignayan dagiti annak mi." kuna ni Ka Cesar. Nasakit man iti agassawa ti pannakatay ti dua nga annak da, sipupuso nga inawat da daytoy kas paset ti kasapulan a sakripisyo. Kuna na, pati dagiti appo da ket pam-pandayen da tapno sumurot iti dinalyasat da a dalan. "Sakbay man laeng a matayak, kayat ko a maki-ta nga itultuloy dagiti appok ti pannakidangadang."

Iti awanan bannog a panagtarabay na ken panangipakita ti nasayaat nga ehemplo, saan nga adayo a matungpal ti tartarigagayan ni Ka Cesar.

AB



Dagiti pair-irtengen a gerra nga agresyon ti US

Agtultuloy a sugsugsogan ti imperyalismo nga US iti uneg ti baro nga administrasyon nga Obama dagiti gerra kadagiti suspetsa daytoy a kuta ti al Qaeda. Numan pay inkari ni Obama a kissayan dagiti tropa nga Amerikano idia Iraq, main-inut pay daytoy ken adda pay agtaltalinaed a 130,000 tropa nga Amerikano a dumanon pay ti dua a tawen sadiay.

Naulimek ti rehimen nga Obama maipanggep iti nasurok 100,000 armado a “kontratista a sibilyan” sadiay nga iti kinapudno na ket dagiti mersenaryo nga impan dagiti kumpanya a kas iti Blackwater tapno malusotan ti limitasyon iti bilang ti soldado a mabalin nga ideploy sadiay. Kinapudno na, plano pay a nayonan dagiti mersenaryo kasukat dagiti maiyaw-awid a regular a tropa nga Amerikano.

Nadagsen met ti panawagan ni Obama para iti nair-irteng pay nga interbensyon militar idia Afghanistan ken kabangibang a Pakistan. Iti umuna a gundaway, dakdakkelen ti tinawen a gastos iti gerra ti US idia Afghanistan kompara iti Iraq.

Idi Pebrero, inmandar ni Obama ti panangnayon iti 20,000 tropa idia Afghanistan. Dumanonen iti 68,000 ti bilang dagiti soldado nga Amerikano sadiay ita a tawen, doble ti bilang da idi tapos ti 2008. Ita pay laeng, dumanonen iti 80,000 ti bilang dagiti nagtipon a puersa ti US ken NATO sadiay. Mainayon pay ditoy ti 5,000 mersenaryo.

Sipud pay idi 2005 ket rinibri-bun a sibilyan nga Afghan ti pinatay dagiti puersa ti US ken NATO, kaaduan ket gapu iti panagbomba dagiti eroplano. Maysa a kasdiay nga insidente ti napasamak idi Agosto 22, 2008, no sadino a dumanon iti 91 sibilyan ti napapatay iti innem nga oras a panagbomba ken panagatake dagiti puersa ti US iti maysa a kaaw-awayan iti Azizabad. Mayoria ditoy ket ubbing (61)

ken ti 15 ket kababaihan. Nakairu-amanen ti US a rauten dagiti panaguummong a kas kadagiti kasar, pumpon, ken dadduma pay gapu ta anti-US kano ti ania man a dakkal a panaguummong dagiti Afghan.

Ti gerra idia Afghanistan ket simmaklawen iti Pakistan. Pinakaro pay ti rehimen nga Obama ti dati a sistema ti rehimen a Bush iti panangpatayab kadagiti *attack drone* a Reaper ken Predator. Sipud idi

napalabas a tawen ket nagpatayab ti US kadagiti drone iti nasurok 35 daras manipud iti amianan a laud a Pakistan. Nagresulta daytoy iti dimmakkel pay a bilang dagiti kaswalti a sibilyan. Bunga daytoy, pumigpigs dagiti protesta idia Pakistan ken kinaawan ti istabilidad iti uneg ti pagilian.

Numan pay mangipadpaduyak ti panangkontra iti sumagmamano a nagbalin a patakaran ni Bush, dagiti aksyon ni Obama ket mangipakpakita nga awan ti pakaidumaan na iti supsupiyaten na idi gapu ta agtultuloy ti panangiyablat na ti gerra ken gulo idia Middle East ken Central Asia.

Panagbomba dagiti drone

Saan a nababbaba ngem 90 katao ti napapatay idia Pakistan idi Awan sarday nga agpatudo kadagiti bomba dagiti *drone* (eroplano nga awan ti piloto na) ti US idia South Waziristan idi Hunyo 25.

Umuna a nagbomba ti maysa a *drone* idia Wana, South Waziristan gapu iti suspetsa ti US a kuta dayta ti Taliban. Dumanon iti 45 ti natay. Kamaleman na, binomba ti US dagiti naummong para iti pumpon dagiti natay. Dumanon manen iti 45 ti natay ken manopulo pay ti nasugatan. Tallo pay a bomba ti imbulos ti *drone* bayat a nagtataray dagiti umat-atendar iti pumpon.

Numan pay awan ti pammaneknek, ibagbaga ti US a natay iti panagbomba ti tallo kadagiti kangangatuan nga opisyal ti Taliban. Ti saan a mailibak ket ti nakaad-adu a kaswalti a sibilyan.

Daytoy nga insidente ket kaudian laeng iti atiddog a listaan ti panagmasaker ti US kadagiti sibilyan babaen iti panagbomba iti lugar. Apagtugaw ni Obama iti White House, inmandar na ti panangpairteng iti panagbomba sadiay.

Iparparuar ti rehimen nga Obama a dagiti panagbomba ket nagresulta iti pannakatay ti 20 kangangatuan nga opisyal ti al Qaeda nga aglelemmeng iti baundari ti Pakistan ken Afghanistan. Idi Abril, impablis ti maysa a pagiwarnak idia Pakistan ti nagan dagiti 687 sibilyan a natay (karaman ti 14 kano nga opisyal ti al Qaeda) iti nasurok 60 daras a panagbomba. Iti tunggal opisyal kano ti al Qaeda a natay, 50 sibilyan ti nairaman.

Segun met iti sabali nga agiwarwarnak, nakaar-arbitraryo dagiti wagas ti Central Intelligence Agency iti panangitudo kadagiti target dagiti drone. Agab-abang laeng daytoy kadagiti ahente tapno mangikabil kadagiti elektronik a mangitudo kadagiti balbalay dagiti masussuspetsa ken dagitoy ti tartargeten dagiti *drone*. **AB**

Dagiti tignay-protesta laban iti cha-cha, nairussuat

EKSAKTO a maysa a tawen sakbay ti naikeddeng a panaggibus ti termino ni Gloria Arroyo, nangirussuat iti “Martsa laban iti Cha-cha” ti nasurok 5,000 raliyista paset iti 6:00 ti rabii idi Hunyo 30 iti Liwasang Bonifacio idiyay Manila.

Dakkel a bulto dagiti demonstrador ket estudyante manipud iti Pamantasan ng Syudad ng Maynila, Polytechnic University of the Philippines, University of the Philippines, De La Salle University, College of St. Benilde, St. Scholastica’s College, Adamson University, Arelano University, ken Jose Rizal University.

Kimmuyog met dagiti miembro ti Manila City Hall Employees. Nakabitbit ti istrimer a “Manilans Resist Charter Change (MARCHA),” indauloan ni Mayor Alfredo Lim ti delegasyon agturong iti Liwasang Bonifacio. Nangipakita met ti suporta iti tignay protesta dagiti estudyante dagiti progresibo a panakabagi ti Bayan Muna, Anakpawis, GABRIELA, Kabataan Party, ken dagiti personahe a kas kada Rodolfo “Jun” Lozada, direktor ti pelikula a ni Carlitos Siguion-Reyna ken ti asawa na a ni Bibeth Orteza, biyolinista a ni Cookie Boli-pata, ken National Artist Bien Lumbera.

Saan a nagleppas dagiti tignay protesta ditoy gapu ta itay met Hulyo 2 ken 3 ket rinugian dagiti estudyante ken alyado da ti sangsangkamaysa a panagariwawa laban iti con-ass. Ti kaudian a panagariwawa ket inrussuat dagiti estudyante ti Ateneo de Manila University, Miriam College, ken University of the Philippines. Linawas a panagariwawa ti aramiden da inggana iti State of the Nation Address (SONA) ni Arroyo inton Hulyo

27.

Iti bisperas ti SONA, mangirussuat kadagiti lakbayan dagiti puer-sa nga anti-Arroyo. Aguummong da iti malem ti Hulyo 27 tapno mangirussuat ti alternatibo a SONA iti Commonwealth Avenue nga asideg iti Batasan complex, Quezon City. Adda met plano a mangirussuat ti *vigil* iti aglawlaw ti Batasan Complex tapno lappedan dagiti alyado ni Arroyo iti Nababa a Kapulungan a baliwan ti konstitusyon tapno makapagpaut pay iti poder ni Arroyo.

Kabayatan na, tallo pay laeng a lawas sakbay a mairussuat ti maikasyam a SONA ni Arroyo ket umir-

irtengen ti militarisasyon ti Metro Manila. Binukel ti Philippine National Police (PNP) ti Task Force Kapayapaan nga idadauluan ni Chief Supt. Roberto Rosales ti PNP-National Capital Region tapno siguraduen kano ti seguridad iti SONA. Mangnayon da pay kano ti polis basar iti panangtanta da iti sitwasyon iti sango ti pangta kano a destabilisasyon a naawagan nga “Oplan August Moon.”

Kuna ti Bagong Alyansang Makabayan, dagiti nakaad-adu a puer-sa a pangseguridad ket abuson ken nalabit a ti pudno a panggep na ket lipiten dagiti tignay protesta laban iti rehimen nga Arroyo.

Rehimen nga Arroyo, kinondena ti IADL

KINONDENA ti nasurok 200 delegado ti 17th Congress of the International Association of Democratic Lawyers (IADL) dagiti pampatay ken pananglipit ti rehimen nga Arroyo kadagiti abugado ken huwes iti Pilipinas. Nairussuat idiyay Hanoi, Vietnam idi maikatlo a lawas ti Hunyo ti nasao a kongreso a dinar-ayan ti National Union of People’s Lawyers (NUPL) manipud iti Pilipinas.

Nagpanawagan ti IADL iti United Nations Special Rapporteur on the Independence of Lawyers and Judges nga imbestigaan dagiti nasao a panagatake. Nasuroken a 40 abugado ken huwes ti mapatpatay manipud idi agtakem ni Gloria Arroyo. Kasta met, sinupyat ti IADL ti panagkedked ti rehimen nga Arroyo a seryoso nga imbestigaan ken idarum dagiti puer-sa a pangseguridad ti estado a dadaulo kadagiti panaglabsing iti karbengan-tao.

Nagpanawagan pay ti IADL nga isardeng ti pananglipit iti Pilipinas ken isayangkat manen ti tungtongan a pangkappia iti baet ti Gubyerno ti Republika ti Pilipinas ken ti National Democratic Front. Nagpanawagan met daytoy iti gubyerno nga US nga isardeng nan ti panangited ti tulong-militar iti rehimen nga Arroyo ken isardeng ti amin a tipo ti interbensyon militar iti Pilipinas, aglalo ti panangipatulod kadagiti tropa nga Amerikano.

Ti IADL ket sangalubongan nga organisasyon dagiti abugado iti karbengan-tao manipud iti 100 pagilian a naibangon idi 1947. Daytoy ket addaan saad a konsultant iti United Nations Economic and Social Council ken United Nations Educational, Scientific and Cultural Organization (UNESCO).

Dagiti Austrian, simmuporta kadagiti mangmangged ti Nestlé

NANGIRUSSUAT ti piket dagiti Austrian ken dagiti Pilipino iti sanguanan ti opisina ti Nestlé idia Austria kas suporta iti laban dagiti mangmangged ti Nestlé idia Cabuyao, Laguna.

Segun iti Philippine Solidarity and Friendship Group (PSFG), agtultuloy nga ipapaidam ti Nestlé Philippines ti Retirement Plan Benefits a nakapauneg iti Collective Bargaining Agreement da agarup 20 tawenen ti napalabas. Maibilang ditoy ti maiparbeng a benepisyo para kadagiti retirado a mangmangged ken dagiti pamilya da.

Sinupyat met ti PSFG ti kinaranggas ti Nestlé Philippines ken rehimen nga Arroyo kadagiti mangmangged daytoy, karaman ti panangpatay iti lider-union a ni Diosdado “Ka Fort” Fortuna a pinatay dagiti armado a gamat ni Arroyo idi Setyembre 22, 2005; dagiti panangwara iti welga; ken panangiyuli kadagiti parparbo a kaso laban kadagiti madama a lider ti union. Nangiruar met ti PSFG ti petisyon iti internet tapno irupir iti kangrunaan nga opisina ti Nestlé idia Switzerland ti karbengan dagiti mangmangged ti Nestlé Philippines a makinegosasyon.

Ka Wilson ti KMU, pimmusayen

Pimmusayen idi Hulyo 1 ni Ka Wilson Fronda Baldonaza, 55, kabuklan a kalihim ti Kilusang Mayo Uno (KMU). Sumagmamano a lawasen a nakaidda laeng isuna kalpasan a nagsagaba iti stroke idi Hunyo 5.

Pinadayawan isuna ti KMU, Bagong Alyansang Makabayan, Anakpawis, Bayan Muna, ken dadduma pay a progresibo nga organisasyon idi Hulyo 3. Segun iti KMU, maysa a nagaget a lider obrero ken nalaing a titser ni Ka Wilson iti pada na a mangmangged ken umili.

Ni Ka Wilson ket nagbalin a miembro idi ti Samahan ng Demokrati-kong Kabataan (SDK) ken nagorganisa met iti munisipalidad na idia Victoria, Tarlac sakbay pay a naipataw ti martial law idi 1972. Indaulonan na ti union iti Mabuhay Textile Mills idi 1985 ken nagbalin a kabuklan a kalihim ti BAYAN idia Valenzuela idi 1987-1990. Tawen 2000 idi nagbalin a chairman isuna ti Alliance of Nationalist and Genuine Labor Organizations (ANGLO) ken idi 2007 ket nabutosan kas kabuklan a kalihim ti KMU.

Promosyon ti 3 opisyal, nasupyat

NAKIKAYSA ti Partido Komunista ti Pilipinas (CPP) kenni Edita Burgos iti panangsupyat kenni Gloria Arroyo iti panangited ti promosyon kadagiti opisyal ti militar a karaman iti panangdukot iti anak na a ni Jonas idi Abril 2007.

Naingato itay Hunyo kas koronel da Lt. Col. Noel Clement, Lt. Col. Melquiades Feliciano ken Lt. Col. Edison Caga, opisyal ti 56th IB a nakabase idia Norzagaray, Bulacan. Iti imbestigasyon iti kaso, naammuan a naigarahe iti kampo ti 56th IB ti nakompiska a lugan nga addaan plaka a TAB-194, a naikabit iti lugan a nausar iti panangdukot kenni Jonas.

Iti bangir dagiti nalawag nga ebidensya, inabsuelto ti militar dagiti nasao nga opisyal kadagiti akusasyon a karaman da iti panangdukot.

Panagikkat iti Triumph, nasupyat

DUMANON iti 1,662 mangmangged ti Triumph International ken Star Performance Incorporated, kadakkelan a pabrika ti bra ken *panty* iti pagilian ti agpeggad a maikkat iti trabaho iti umas-asideg a panagserra ti kumpanya inton Agosto.

Segun iti Bagong Pagkakaisa ng mga Manggagawa ng Triumph International, saan a nainkalintegan ti iyaramid a panagserra ti kumpanya. Kaipapanan laeng daytoy ti nasaknap a panagikkat ken agtultuloy a kinarigat kadagiti pamilya dagiti maapektoan a mangmangged. Segun kenni Isabelita Dela Cruz, chairman ti union, illegal ti addang ti Triumph gapu ta linabsing na ti Collective Bargaining Agreement (CBA) iti baet dagiti mangmangged ken kumpanya. Nagpangta pay kano ti Triumph a saan a mangted ti ania man a benepisyo no supyaten dagiti mangmangged ti panagserra.

Sinupyat ti union ti desisyon ti maneydsment nga iserra ti kumpanya gapu iti epekto ti sangalubongan a krisis iti pinansya. Kuna da, minilmilyon a dolyar ti tinawen a mapaspastrek ti Triumph a kukua ti maysa a kumpanya a German ken addaan iti 40,000 mangmangged iti intero a lubong. Innayon da pay, ti panagserra ket panangatake kadagiti karbengan ken pagsayaatan dagiti mangmangged gapu ta agresulta daytoy iti nasaknap a panagikkat iti nadumaduma a pagilian.

Binabalaw da met ti rehimen nga Arroyo nga isu ti kangrunaan a protektor ti Triumph International gapu iti panangsuporta ti Department of Labor and Employment (DOLE) iti plano a panagserra ti kumpanya.